



遜志齋集卷之二十九

文獻通考卷之二十九



五言古詩

次修德雜詩韵

三首

通衢夷且直舉世所共知  
求端迷往轍顛躓終無歸  
達人解至理秉心若明曦  
敬恭視盤鑑齊莊整裳衣  
昭々奉一德暨々滅衆私  
為仁諒茲在彼狂胡弗思  
制變易為失所貴謹未然  
本心秉靈德洞鑿魚與妍  
譬彼達海流出自山下泉  
積久諒益深雲濤鼓風煙  
始學誠已誤補過幸有年  
力微道尚遠感此徒煩悵  
神龍卧深澤不若抱甕滋  
白日闕重陰不如寸燭輝  
賢豪

初未遇但覺吾道非紛々當塗子權勢衆所歸兩生困蓬  
藿屠販建旌麾斯事自古然今人安足悲

初冬雨中獨坐

吾廬混人群來往劇轟電頗欣夜雨來頓使蹤跡屏滔々  
流水障悄悄々耳目靜風函試展書佳趣倏已領平生烟霞  
癖夙昔慕箕穎抗懷軒冕上雅志星日炳寧知墮流俗汨  
沒未獲逞竒懷獨不忘幽念時自省豪雄外身名曠士賤  
鍾鼎欲語嗟莫同長歌碧林暝

雜詩四首贈林嘉猷

伊周不治經董賈不言文宏謨塞宇宙高論追典墳如何

末代士操觚動成群但要言辭好不顧心志分至道豈難  
行彞倫人共聞勉哉不遠復恭默事天君

循々勇不遠額々善或虧古人患才難可以當世推自吾  
行四方所見多有之豈乏俊爽流未足懟我思聖道充天  
地其微入毫絲非精莫能察非敏莫能為致用貴不頗萬  
守在不移由來賢哲事皆本純粹資顧予亦陋劣前微亦  
能追仰止二三友有過頻相規

操行一不真坐取終身憂辟言一不忠或為萬世羞過小  
莫吝改德進勿厭修誰能百無為自致孔与周  
載籍弥九有群言劇毫毛棄置患術踈窮探畏心勞何由

領其要可使道藝高聖學亂百家黍稷雜莠蒿良農善別  
識培溉復芸壻取大成吾身效用同伊臯彼哉溝澮漁豈  
足連九鰲

次韵贈國亮經歷

君侯昔筮仕匹馬之幽并先子守東藩始結鄰壤盟寧知  
十載後握手山中行鬢髮白欲尽韜光復潛声話舊若夢  
覺痛飲張華灯尚欣古義敦愛余均父兄雨洗秋色淨群  
山擁前楹山鳥喜客來飛鳴似相迎緬思天下士公是世  
外英流俗何所知紛々好議評莫邪雖在土龍氣上迴縈  
自非水鑑識誰知江海情談詩較李杜起舞笑絕纓大音  
久闕寡厭聽寒蟲鳴麟鳳居空谷何由在郊坰处世媿郭  
秦通家慚李膺崑樓倘有約相與棄榮名

雜詩四首

相如妙文辭。高處無与敵。多財為身累。終老汗名蹟。人生  
取子際。千載觀令德。苟富何足論。喪節良可惜。

好名未知道。古人有楊雄。著書欲傳世。不暇修厥躬。聖言  
德之餘。屈伸与天同。哀哉大節廢。豈足稱固穷。

賈生信英才。蚤識當世事。身逢致治期。遇主亦天意。道高  
固難合。流俗工媚忌。一死尚足多。千秋想奇氣。  
幡々市井人。出納量錙銖。積財至千万。侈然夸有餘。華堂

占廣陌列肆遍通衢。朝餐聚俠客。莫飲羅名姝。一朝与法  
遇。家破及妻孥。金玉歸縣官。不能贖其軀。郭解既夷滅。季  
倫亦門誅。安知子原憲。穿巷歌唐虞。

修德以詩寄次韵

蒸羹淡無和腐粟。春難圓。羞將饋俗賓。歡笑置子前。子豈  
乏梁肉。對之每欣然。云胡恐費我來往。動經年。子行信勞  
止。吾道良足憐。深期挹嘉話。不必枉華旃。  
抱疴百日卧。欲言無與朋。敦守一床髮。脫影如僧。豈惟  
形容悴。智識無由增。視此不棄捐。子心一何弘。細人忌名  
軋。俗士為利惜。孰能使余慕。君子固有恒。

營苟得者忍以利。易生徇欲遂。忘反捐軀匪。其情古人  
崇仁義。講切極粹精。於斯弗自得。猩狖垂紳纓。貴有不足  
懷。賤有不足輕。景公徒千駟。子真豈其卿。

再和并簡林嘉猷

夜光自有輝。不因磨斫圓。騏驥自致遠。不以鞭策前。古來  
知道者。天質固使然。師友并其微。成德在早年。余少稍有  
慕。今也反自憐。子誠肯開我。嘉言著棗棧。

十年窮取友。四海幾得朋。豈惟得吾徒。旁及老与僧。自昔  
得王子。勅鬱氣為增。子才信已毅。愧我德未弘。所患涉道  
淺。未免臨事懵。何由与子隣。講習日可恒。

溫、我所愛處子有林生匪惟質柔嘉過出遺世情從我  
南山遊斲雪煮黃精共悲狙喜怒靜閑猴冠纓生也尚審  
思勿言常布輕魏、孔孟業豈以為公卿

送一宗和尚次蜀王詩韵有序

成都大慈禪師欽公一宗与余皆天台人雖所趨殊途  
而相見万里之外有足樂者今將暫還故山謹次  
賢王殿下賜草堂長老詩韵以寓別情里中故人有相問  
者幸為謝之

浮雲出山中浩蕩隨去来来非有所係去亦忘所之若人  
釋門秀矯、孤鶴姿林泉三十年蕪春如波馳平生西方  
字妙蘊未及施一朝忽乘舟來謁良我師微笑坐談空傾  
城走群細遂分好事者懶問子雲音清香焚栢子細雨洒  
楊枝相逢話鄰曲塵尾不暇麾越蜀万里途各処天之隅  
胡為偶至此欲語忘其辭歷、世間事惺、髮中絲迢遙  
無所嬰老大祇自知巴紅復奉棹故庐訪遺基散懷天台  
月濯足猶溪漪我亦倦遊客歸耕有深期身在華山陽夢  
繞大海湄徘徊將何說祇恐負 明時

家兄寄中秋會飲詩因分韵述懷以荅

不自惜長年轉多憂壯心若湍水湧激不少休念昔  
童稚日此身百無愁良宵見明月喜躍如有求大母方壽

康諸祖未白頭開筵羅廣庭蔬菓間殺鱸先公奉觴起叔  
父迭獻酬玉立四五人文采皆琳瑯酒行聞雅歌鹿鳴和  
吻：豈無辯難言札義皆先猷脫畧輕万事高視曠九州  
每卑楚漢業或誤良平謀會袖時抵掌奉筋借前籌座間  
二季父豪俊遊無傳懷慨願益起自許公与疾酒罷寧復  
眠長吟倚危樓夜闌得秀句叩戶來相投我時被鍾愛兄  
弟共譁咻席賓欲亡酒輒笑牽衣留轉眼二十年存亡兩  
悠悠庭闈音容絕門戶變改稠巢壞鶴上天雷行龍脫湫  
惟餘老仲父衰髮對清秋今歲月最好我適南山遊含情  
面尊俎感歎盖有由伯氏欲相寬新詩遠來郵發函清淚

墮紙濕不可收永思舊所見一往如川流于今會飲歡頗  
似昔日否我家勢運謬難與時人侔譬彼百年屋不足施  
雕鏤願伯善扶持重使楹棟修庶免傾壓虞百口蒙庇庶  
我愚更懶墮樸學愧前脩術疎何所成言高每難讐空懷  
濟物志夢寐談孔周歲華易為度自哂等浮漚長恐墜遺  
業上貽先人羞伯也幸閱我正救愆與尤復為戒諸弟敦  
睦無相猶道德在詩書為生視田疇天倫苟足樂外物皆  
懸疣骨肉豈異人風波同一舟持家尚禮讓處眾貴和柔  
堂構倘樹立棊枰加丹髹重還當時盛豈特才藝優世欲  
登虞唐吾將老林立終期友愛樂黃髮叙綢繆深衷久有

懷對月偶歌謳歌竟視天宇寒光衝斗牛

寄好義先生

同鄉不相見動涉秋去春何意忽來翔會合當茲辰雄談  
有遠趣文采驚世人譬彼隨和質衆目咸知珎陋俗之奇  
士懷抱鬱未伸每思伊葛流磊落展經綸志大固難售心  
孤邈誰親君來起我意頗竟氣為振炳々千古事悠悠々三  
代民奉首視大荒汗顏慚此身深衰非一端欲語未及陳  
胡為復求去重使別恨新夙負江海情耻為兒女仁賢豪  
日衰謝感歎易悲辛涼風吹碧海月露洗高旻酒至且持  
飲言歸何所嗔

七言古詩

失硯嘆

吾家石硯玄玉色來自扶桑海中國盪摩日月露光精吞  
吐波濤含潤澤天生奇質為世用海王龍伯不敢匿少時  
得之方外之四座傳玩皆歎息二十年来親翰墨北走洙  
泗西梁益錢塘會稽屢遊歷鬼神呵護同珎璧水怪山精  
皆辟易佐我為文寫骨髓上探玄化与為敵宣暢民彝輔  
皇極雲雨布濩飛霹靂倏忽变迁靡定迹謬致声名驚四  
方招謗速侮不煖席其間損益兩相補硯也於余良盡職  
豈知万事不可料昔者相親今不得潼關群盜何太劇竊



瞰行人伺昏黑，金錢雖失不足歎。此覘使我深痛惜，我非  
玩物有偏愛，又非昧理苦蔽惑。直傷羨器不遇主，有似賢  
才受驅迫。真卿奉使陷叛臣，蘇武持節幽異域。忠肝義膽  
貫天地，豈忍包羞污凶逆。孔子春秋至，謹嚴細事不肯登  
簡策。大弓宝玉二物耳，特書盜竊懲亂賊。我誅鼠輩恨無  
力，著作有心碑六籍。何時見汝生羽翼，奮飛重来侍吾側。  
不然變化為星辰，照臨下土常烜赫。外物聚散如置奕，胡  
為念汝長戚。君不見自我得之失，無憾不如蕭公差達識。

覽以德用中二友和東坡喜雨之作

席前衿佩多如雨，危坐談經亦良苦。講堂日晏未朝食，舌

倦唇焦面生土。小齋退食聞扣門，倒屣起迎咄还吐。知是  
兩賢送詩至，笑却杜康麾陸羽。錢也駭馬氣莫當，陳也奔  
泉勢難禦。元祐詩壇不易登，俱欲升堂啓其戶。文章由來  
闕政教，道術何曾問今古。每憐陋儒不自量，詆訶前人竟  
奚補。浪與唐宋較優劣，有如癡兒侮厥母。蘇公風骨真天  
人，駭視四海手摩撫。二南洋溢騶虞出，九韶鏗鏘鳳皇舞。  
列仙得道行御風，漢相閑居老食乳。神奇變化脫遙幅，怒  
罵嘻噦皆新語。眼中不復見此翁，雲月江山澹難主。我狂  
自少喜翰墨，辟若惰農服田畝。嘆彼么麼星辰出，望公光  
燄日當午。二公豪健敢扳附，蓄積穰穰富倉庾。大篇屬和

意有餘坐竟詩名動城府當今  
聖朝任一作英俊雅頌再作古教普吾衰才薄子勉旃振起  
斯文繼前武

蜀王殿下賜行厨酒膳奉謝一首

天門傳詔飛金符帝子發春朝帝都万里巴江引軸轡朝  
離瞿塘莫荆巫牙旗羽扇照江湖馮夷操楫龍伯扶威振  
海若驚天吳衮衣登朝玉陛趨至尊撫問情鬱紆奏还大  
国天語俞却從周秦行坦途乘傳西來試馳驅日行三百  
尚未晡親藩留宴勞歡娛秦民擁路觀金輦口称盛德目  
睢盱共說賢王世所無南入荆門喜氣蘇蜀邦密迹忘崎

岷山花爛熳雲糝糊綠樹清江如畫圖漢中小臣章白儒  
早向王門曾曳裾是日來迎拜路隅按轡遙看吟且呼暮  
抵行宮侍直庐華灯照夜鋪穉穉從容前席講典謨玄談  
蟬聯如貫珠上探千古周八區鄙諂庸俗聖為徒更闡喜  
極行玉壺叩頭舉白紅生膚侍臣奉教恩意殊大官美醞  
貯行厨持賜婦飲不用沾上尊珍味甘且腴受之無功辞  
有辜心感王恩厚矣乎獻諸袒禰頌妻孥招致朋僚洗蠱  
觥共飲相歡同賜醕平生飲水無茹蔬祇將鉛槧代耕鋤  
近為校教食民租尸居静閱年歲往世入視之等泥途賴  
逢聖王意氣宇討論聖猷師古初經綸萬理豈在梳小臣

學術本龕踈志廣年荒才更迂量同溟海肯納汗欲致衆  
駿先收駑願王道德為世模摩撫疲瘵恤鰥孤南漸瀘戎  
北羌胡陽和斧生無朽枯育民興賢語不誣行致孔明与  
夷吾共康國政秉事樞保釐西土佐唐虞不數蚕叢及魚  
鳧吾王端拱化日舒從此感息非一夫

渡淮後寄宗文先輩及諸士友

長淮風顛浪雷吼爭渡千人喧渡口蹇馱破帽衆所輕行  
李甘心落入後臨淮先生交義深視我重比双南金席前  
弟子總英俊相携擁餞淮之陰就中孫玘藝且勇奮袖登  
舟氣增重扶顛禦侮况有人病身幸免波濤恐掛帆長嘯  
烟霧開主人謝客緣城回猶也追隨不憚險難危可仗真  
周一作奇才世俗結交看勢利有勢相依無即棄賤貧如我豈  
足憐脫落凡情見真意賢豪邂逅何所無排難多由奇犬  
夫古人事業望公業欲一作輔國步須捐軀

書錢氏家山圖

錢君望鄉勞夢思陳君奮筆為寫之毫端歛吸驅鬼物風  
霆捲地山川移紫雲峯高當面立獅子灘聲轉山急翠竹  
樞風市塵遠青楓夾路樵歌入山脚盤迴到石門桑榆深  
映數家村百年丘隴澤未泯中古衣冠今尚存高堂老人  
年八十皓首紅顏瞳點漆柴門拄杖望兒還坐听庭鳥心

若失錢君一見增喟傷。此身如在淮水傍。摩挲門戶欲歸去。細看無路墮渺茫。乃知陳子善戲劇。故假丹青惱胸臆。世間萬事無不然。畫地作餅安可食。陳子亦是憶家客。不特戲人兼自釋。沙際扁舟已上檣。何當共載歸故鄉。

潼關

潼關將軍才且武。五千士卒健於虎。朝廷養汝為阿誰。盜賊公行如不覩。昨日官車將到關。西風放顛塵滿天。錢囊衣篋繫車後。歛來掣去同鷹鷂。南望京師五千里。僮僕所資餘有幾。離家漸遠親故稀。向我長號淚如雨。嗟。僮僕汝莫愁。

聖人在上治九州。會看海內皆富足。關不須防無盜偷。

弔李白

君不見唐朝李白特達士。其人雖亡神不死。声名流落天地間。千載高風有誰似。我今誦詩篇。亂髮飄蕭寒若非。胸中湖海闊。定有九曲蛟龍蟠。却憶金銮殿上見天子。玉山已頽扶不起。脫靴力士祇羞顏。捧硯揚妃勞玉指。當時豪俠應一人。豈愛富貴留其身。歸來長安弄明月。從此不復朝金闕。酒家有酒頻典衣。日日醉倒身忘歸。詩成不管鬼神泣。筆下自有烟雲飛。丈夫襟懷真磊落。將口談天日月薄。泰山高兮高可夷。滄海深兮深可涸。惟有李白天才奪。

造化世人孰得窺其作。我言李白古無雙。至今采石生輝光。嗟哉石崇空豪華。終當埋沒聲不揚。黃金白璧不足貴。但重男兒有筆如長杠。

題嚴子陵

敬賢當遠色。治國須齊家。如何廢郭后。寵此陰麗華。糟糠之妻尚如此。貧賤之交奚足倚。羊裘老子早見機。獨向桐江釣烟水。

寄貧

朝飡漿一盃。莫食蔬一盤。胸中六經繁。星斗筆底万卷驅。波瀾人咲先生窮。不取先生嘆人愚。可鄙終朝醉飽百無知。何異腥羶飲蝼蟻。世上群兒昧重輕。每是螻蟻非先生。繼今先生窮至老。猶与日月爭光明。

題王節婦

妾入君門知有夫。雖不幸夫子孤。人生必死。即已大義一失。將安圖爾。有金如山。我有心匪石頭。髮可斷頭。可得以死報夫。奚所惜。幽哉猗蘭芳。在彼澗水湄。荆棘非不繁。永終保令姿。千秋萬歲。苟可滅白日。成塵海成血。

紅酒歌

田家八月秋秫黃。豚肩滿擔金穰穰。西成万室喜登場。斗酒勞慶年豐祥。天台山人傳秘方。釀成九醞丹霞漿。紫檀

槽頭秋點長絳囊，酢壓甘露涼。猩紅顆滴真珠光，蓼花色  
比桃花強。薦新設席請客嘗，風吹桂花滿屋香。饌出肥雞  
一筋，助橙斫蟹鱠，雙螯霜不須。琥珀琉璃觥，不須太白力  
士鎗。我愛真率田家郎，磁甌瓦盆罌木觴。爛熳為我澆吟  
腸，新詩吐出雲錦章。醉來興發恣豪狂，高歌起舞當斜陽。  
出門一咲尔，汝忘大江東去烟茫茫。

寫懷

子規聲裏吳蚕熟，星繭繫。照人目，踏車已作春雷鳴。我  
獨無人冷機軸，繭老蛾飛爭柰何。愁端零亂如絲多，故人  
一去不復返。徒有血淚如春波，新婚已盟未諧，靚青鳥傳  
音在。春後青春會少，離別多。心事殷勤向誰剖，君不見古  
井淵源百尺深，欲汲未得勞人心。井深百尺君莫恨，但恨  
繩索無千尋。

題南屏對雪圖

昔年歲莫京國還，艤舟夜宿南屏山。山風吹雲天欲壓，夜  
半大雪埋江關。清晨倚樓望吳越，六合玉花飄未絕。恍疑  
江水駕山來，萬頃銀濤湧城闕。山僧好事喜客留，置酒開  
筵樓上頭。玉堂仙人宋夫子，紅顏白髮青貂裘。坐談今古  
如拍掌，共看雲收月華上。寒輝素彩相蕩摩，碧海瓊臺迭  
蕭爽。酒酣擊節心目開，慷慨弔古思英才。荒祠古栢岳王

墓廢湖殘柳蘇公塚。十時嘉會難再得。仙人上天塵世窄。  
王子何年繪此圖。正貌南屏舊遊迹。吾知王也奇崛人。新  
詩妙墨俱絕倫。偶然揮洒豈無意。神授髣髴存天真。世間  
今古同飛電。回首人豪都不見。空有蘿山石室書。夜々虹  
光射霄漢。

扇

寒藤陰壑懸風霜。剝皮擣骨收溪光。銀漢半邊秋月白。瑤  
臺一幅春雲香。青旗翠燾湘潭竹。室刀織々破寒玉。束來  
十二碧琅玕。鳳骨凝香冷盈掬。吁嗟造化由天功。乃知製  
作婦良工。膠漆投情作鸞偶。卷舒懷袖生清風。清風飄々

可人意。不覺名滿天地。南州溽暑甚愛多。只恐涼颺入  
庭樹。

淮陰

淮陰城頭落日黃。淮陰城下秋草荒。古城西遠淮水長。猶  
如昔水陣堂々。當時大將功無雙。顛羸蹴項勇莫當。丈夫  
何乃為假王。至今遺恨令人傷。漂母一飯千金償。解衣推  
食那敢忘。相君之替貴莫量。蒯生此語無忠良。慎弗出口  
遭吾撞。歌風帝子歸故鄉。思得勇士守四方。胡為鳥尽良  
弓藏。

題萬間堂

少陵老翁餓瀕死意欲大庇天下人一椽茅屋不足蔽風  
雨安得萬間之厦蓋覆四海赤子同欣言狂意廣不量  
力至今世俗聞者交嗟嘆侯城小儒愚獨甚不敢嗔笑謂  
公之意厚且真古來致乱皆有目大臣固位謹持祿其計  
止為安一身高車大纛耀侈富子女玉帛驕里隣安危得  
夫百不知更僭膏腴便利田宅遺子孫生靈窮苦墮溝瀆  
寒士因悴無衣紳彼也珍羞綺席歌舞燕樂窮朝昏老翁  
哀痛實為此熟視鄙夫憮子辟之犬鼠加冠巾曰我得志  
有不為嫉邪憤世欲救其弊忘賤貧至今已閱八百歲知  
翁之意世獨少蹈翁所惡常紛侯城子為是俱人受天

地中何以不与禽獸草木為等倫一心運万化五性涵義  
仁下補后土所不能上贊皇天之闕燠調寒暑撫五辰大  
禹疏百川伊周綜理禮樂政教与世為陶鈞孔子孟軻不  
得位著書明道亦與治水拯世之功均吾為孔子徒忍汨  
流俗同沈淪故題一室曰萬間坐間一作竟宇宙享毒氣勢  
皆前陳身賤不敢論政教誓將修復孔業為世開昏嚚室  
中左右列古書亦有諸史所筆志義之士志良臣聞有子  
厚洛有伯淳群公近出亦鳳麟美哉子厚西銘之說何諄  
諄吾恐當時亦感悲嘆故立此論可与日月同光新為  
君不知此無以建皇極為臣不知此無以康兆民願寫此



書十萬卷洗濯鄙曾与私智使知林之衆皆吾共出而  
同娘視之不至越与秦尽变呻吟愁歎之俗若去寒江逢  
陽春小儒不惜独困处此室作为雅頌歌聖神再見中国  
大治同周殷

滄洲趣為台城趙生孝礼題

少年負奇志味道輕神仙縛虎千仞崖斬蛟万里川東指  
扶桑西月窟以手捫天關醉中欲奪羲和鞭驅策六  
龍下溟渤歲華忽復晚奇功竟無成耻作楚狂人甘為魯  
諸生俯首蓬屋中被褐勘六經憂多髮白早觸事万感盈  
擬從女期輩採藥遊蓬瀛：群仙別來久聞知掉頭還

拍手世上憂勞早已知身後功名復何有棄我如敝屣不  
肯相攀援登高登長嘯目送白鶴歸三山我友王子喬示  
予海嶠圖孤峯拔出數千尺丹光雲彩交模糊下臨無地  
上極無天漚波浩蕩望不極恍若巨鰲掀舞势与元氣同  
面旋金銀宮闕隱倒景翠綃絳帟在眼前對此愜心賞便  
欲乘風与俱往恨乏同心人臨歧獨惆悵趙生天資妙訪  
我東海頭清談雄辨有仙趣坐竟毛骨寒颼生方讀書  
取青紫我已屏跡棲林丘他年謝事倘相會与尔共作蓬  
瀛遊

許氏龜岩行

寧海許子名續字士成年踰三十事母以孝稱士成六歲  
失嚴父母氏襁抱避亂慈溪城于時鯨鯢奮擲東海沸紅  
塵滿天波血腥流離異鄉幾寒暑慈母守義志節如霜明  
盜平歸來閭里驚母能愛子復善教紡績衣食使入庠序  
拜揖從先生所學在大倫耻以文藝鳴家居近市母不樂  
又為迎至龜岩之下春且耕兒壯母髮白諸孫長大能扶  
主母行士成歲時奉觴為母壽端跽拜舞同孩嬰食有黍  
稻殺有牲母氏感奮涕泣難為情士成念母守節苦身賤  
莫達天子廷每為鄉閭道母事辭旨悽咽弗忍听縣令不  
之察郡守不為聞朝家有命誰能旌悲哉士成之恨何由  
平嗟、今之人豈無高車大馬垂華纓推恩及父母丘隴  
霑光榮立身奉法不能謹雖有恩寵無由承身死污辱增  
宗族愧醜父不願以為子弟不願以為兄孰若士成隱居  
不仕行修于家馳令名龜岩土厚且沃龜岩水甘且清龜  
岩之人誰與許子京許子之賢母所令鄉人祝許氏母子  
年百齡母為人婦法子為事親之準繩嘉尔母子孝且貞  
龜岩之高與天俱不傾樂哉士成配岩永久流芳声

蜀道易有序

昔唐李白作蜀道難以說蜀師之酷虐厥後常宰治  
蜀陸暢反其名作蜀道易以美之今其詞不傳臯雖惠

於蜀民頗以專橫為朝廷所患暢之詞工否未可知推其意蓋不過媚臯云尔非實事也伏惟今

天子以大聖御極殿下以睿哲之資為蜀神民主臨國以集施惠政崇文教大賚臣僚及於兵吏內外同声称頌喜悅天下言仁義忠孝者推焉西南万里之外水浮陸走無有寇盜商賈駢集如赴鄉閭蜀道之易於斯為至矣臣才雖不敢望白而所遇之時白不敢望臣也目奉教作蜀道易一篇以述

聖上及

賢王之德名雖襲暢而詞無溢美頗謂過之其詩曰

美矣哉西蜀之道何今易而昔難陸有重岩峻嶺万仞鏡天之劍閣水有砥雷掣電懸流怒吼之江關自昔相戒不敢至胡為乎今人操舟抹馬夕往而朝還大聖建皇極王道坦坦如絃直西有雕題金齒之夷北有龜裘椎髻之貊東南大海際天地島居洲聚千万國莫不奉琛執贄効朝貢春秋使者來接迹何況川蜀地華夏之賢王於此開壽域播以仁風露以義澤家私人裕黎兵歛革豺狼变化作驪虞蛇虺消藏同蜥蜴鑿山焚蕙穢畧水剽崖石帆檣靡履任所徃宛若宇宙重開闢美哉蜀道之易有如此四方行旅絡繹來遊西覽德成都万室比屋如

雲桑麻蔽原野雞犬聲相聞文翁之化孔明之仁嚴鄭之  
節楊馬之文遺風漸被比鄰魯士行賢哲方回參方今况  
有賢聖君大開學館非論典墳坐令政化希華勛徵賢一  
詔到岩穴咄尔四方之士孰不爭先而駿奔王道有通塞  
蜀道無古今至險不在山与水只在國政并人心六朝五  
季時王路嗟陸沉遂令三代民庶為獸与禽當時豈惟蜀  
道難八荒之內皆晦陰戎夷雜寇盜干戈密如林今逢  
天子聖賢王之德世所欽文教洽飛動風俗無邪淫孱夫  
弱婦懷千金悍吏熱視不敢侵蜀道之易諒在此咄尔如來  
者不憚山高江水深

赤壁

東夏口西武昌赤壁峭絕當中央奸雄將軍氣盖世敗卒  
零落慚周郎得鮑魚沽羨酒孰若黃州蘇子瞻謫向江湖  
動星斗噫吁戲曹公氣勢蘇子文章人物銷鏹塵跡荒涼  
惟有江水千古万古空流長

為玉泉山人題

天池直接扶桑東百川委會來無窮兩崖為門障海口大  
江中流潮汐通豐山橫鷺東奔放浪嚙沙崖穿玲瓏翠鳳  
飛來白銀關金磬湧出金蓮宮天台赤城此磅礴間氣往  
往生英雄鴻儒碩士世不乏神靈秀異天所鍾玉泉山人

獨嗜古食貧於土專而工結庐椒江望蓬島坐看海氣浮  
青紅含嚼英華嗽芳潤吐納光景噓長虹群仙窈窕羅几  
席洪波浩瀚涵心曾慕尔一鄉不滿意邈焉四海將奚從  
日披黃卷對賢聖上並周孔齊義農國風雅頌導于正典  
謨訓誥操厥中權謀智術競趨利玄談清議咸歸空瀟洛  
崛起樹名教千載道學開盲聾仁義行師佐伊呂祀樂出  
治登夔龍拯救生民布仁化此心炯々今昔同食息夢寐  
若見之上下議論相磨礱論交豈止一世士直追三代還  
溥風屈伸去就隨所遇仕止進退皆從容某山某水吾釣  
遊歸來舊隱巢雲松

次鄭好義先生紀夢韻有引

昨承寄示紀夢長句諷詠之餘不勝感歎目用韻增至  
三十五韻以道鄙懷答雅意尚正教之

竒材偉人世不作太息斯文行真漠承君忍枉紀夢篇喜  
極長吟淚交落雄辭璀璨錯逆星斗險語鏗旬飛電雹念我  
雖知意氣真感君復使情懷惡憶昔与子在京師玉堂老  
仙侍幃幄冠蓋追趨禁闥深朝廷尊寵礼數渥声名如雷  
動天地震起螫虫伸屈蠖国有著龜民有師水之海瀆山  
之嶽升堂執業集英彥室帶朱衣雜南朔朽材浪迹偏見  
憐繩墨甚持重齧斷子時好修美文藝清談劇辯相娛樂

公於多士雖並收視我與君尤不薄龍驥咸歸伯宗廐天  
球本出荆山璞要為國家樹基址屬望吾人只禮樂安知  
垂老万里行直泝岷江踰劍閣死生契闊恩義乖音書隔  
絕道路邈索居卧病東海上舊德弃捐徒歎忤夢中見公  
疑尚存雅度高風儼如昨公之神明在宇宙陟降照臨焉  
可度或乘鸞鳳駉麒麟或奏韶夏陳羽籥鈞天清都足豪  
俊講道論文恣歡譁應悲我輩混世塵俛首顰眉語咿啞  
獨念靈攢客西土明詔未許歸故宅昔蒙召見欲奏論造  
次自疑難感格

聖君霽澤覃万方寧使遺骸葬夷貊子文無後善人惧馬

迂有書心事白所憂陋拙忝知己昭雪孤忠負前諾公心  
豈不望後人入夢語子意甚確子兄文章極醇雅典國製  
作名烜赫為銘功行播遐邇可配史傳垂簡策子將繼踵  
縮章綬便當任此千古託如吾自料乏時才空言駁世徒  
宏廓水北山南結茅宇弟唱兄酬老耕穫著書倘可寓王  
制未死尚期明聖學與子他年擬見公歸應化遼東鶴

寄修德友兄

平生識字不滿百浪竊声名有慚色反觀身世每自鄙何  
以使子心莫逆前月馳書許訪我恐我無錢厭賓客惠書  
問疾繼踵來為賀更生重悽惻我力不能事耕稼性又不

耐管官職承明辭歸茹藜糗俟封鼎食誰願易今年瘡鬼  
忽侵凌寒熱交爭類勅敵垂頭伏枕二十旬腰腹枵羸面  
如腊嗑乾特粥不善飯下牀須扶坯按壁向來意氣隘九  
州頃步顛躓真可惜所欣元兄督家政甌石無儲免憂戚  
抱書歆卧困即睨見客暫起飢輒食万事尽拋思慮表一  
身豈卹飢寒迫古來賢豪例穷苦屠兒飯豎千金殖  
皇天子奪有深意衆生淺闇何由識若來不須念我貧厭  
飲仁義非外得薄田近獲十斛麥炊之作糜可朝夕溪南  
磐石廣數仞墻頭新筍高百尺竹間讀書石上卧青雲為  
蓋苔當席頗聞海上有巨鰲鼓舞洪濤氣腥黑請君持竿

亟一掣膾肉作脯如山積尽俾黔黎飽君德与君大嚼醉  
十日免使穷愁恼胸臆

題李白觀瀑布圖

天宝之乱唐已亡中興幸有汾陽王孤軍疋馬跨河北手  
扶紅日照萬方凌烟功臣世爭羨李侯先識英雄面沉香  
亭北對蛾眉眼中已見漁陽乱故今邊將備虎臣為君談  
咲清胡塵朝廷策勳當第一珪組不敢廢天人西遊夜郎  
探月窟南浮万里穷楚越雲山勝地有匡庐銀河掛空洒  
飛雲醉中信馬踏清秋白眼望天門為愁金闕老奴汚吾  
足更欲坐濯清溪流英風逸氣披宇宙千載人間寧復有

夢魂飛度南斗傍，咲酌庐山一巵酒。雲山可巢，今在無九  
江落照連蒼梧，欲從李侯叫虞舜，盡傾江水洗寰區。

楊節婦

良人贈我明月珠，永託團圓誓無違。豈期生子髮未髻，竟  
以王事捐其軀。妾身既作楊家婦，撫此孤兒事堅守。明月  
之珠深自藏，千金不落他人手。青絲髮斷今復長，妾心直  
與珠爭光。推門粥市卒不售，死將地下還阿郎。玉堂學士  
文章伯，為存幽貞播金石。千載少似曹家妻，德、遺風可  
相敵。

慶壽題松月圖

祝公不比龜與鶴，祝公不比椿與松。椿老大材無用，龜  
鶴棄沒泥塗中。祝公願比天上月，歲歲年年長皎潔。五更  
追逐太陽飛，管領衆星朝北關。

食羊虎肉

白額咆哮一作老振山谷，老羝見之驚且伏。一朝強弱兩不  
存，此肉都歸野人腹。中惟恐相啖吞，急呼羹酒為解分。  
酒酣一咲更懷古，千載英雄羝與虎。

次河南府梅花堂韻

前年停車汴水陽，鄭公延我政事堂。是時梁園花亂發，遊  
蜂乳燕春滿牆。綠酒浮觥面玉白，綉衣耀座腰金黃。豈知



造化不容物俊傑俄為土中骨重來訪舊無一存冠蓋年  
華兩飄忽堂中遺跡傷人意粉圖素壁銀鈎罷道廣常懷  
濟物心數竒竟負佳君志文章爛熳空自苦政術廉平索  
誰繼官僚薦書嗟我遲妻子思家歸未遂感此臨風涕淚  
垂出門上道風塵鬢西行境內五百里到處逢人稱善治  
洛陽城中迎歲新正思昔日梁園春河南忽遇張少府意  
氣還同鄭老真蠟梅盈庭花瑤瓊銀燭照夜光璘珣登高  
訪古隘八極勸酒咲談驚四隣我被虛名浪羈束奔走皇  
皇炊不熟明朝又渡灑水西行李再經燒棧北丈夫會合  
當有時各展忠貞報公不王同

江山萬里圖

我昔奉勅辭

金關西下巴川持使節仙槎二月出龍河万里春風棹晴  
雲吳天茫入杳冥棹歌初過峨眉亭錦袍不見李供奉白  
雲遮斷三山青烟蕪漲綠知何地白鳥双双沒淮樹片帆  
風滿疾如飛矯首驚看坵流去大孤小孤橫雪波匡廬五  
老青嵯峨九江秀色歎竒絕半空飛瀑懸銀河推蓬竟日  
閑吟倚瞬息舟移洞庭水君山如黛壓中流十二烟鬟鏡  
光裏好山遠自峨眉來瀟湘練明天際開疑峯九點落空  
翠重華孤墳安在哉武昌地轉多遺跡隔岸鳥鳴瞻赤壁

烟焰旌旗魏武兵，綸巾羽扇周郎策。扶醉曾登黃鶴樓，漢陽城對鸚鵡洲。即從鄂渚權明月，汧流直上窺荊州。夷陵山勢多重疊，楚樹蠻雲遠相接。欲向夔城入錦城，還於巴峽穿巫峽。神女峯前路欲迷，瞿塘滯澗聞猿啼。五溪越峽見雲嶺，但見鳥道青天低。万里橋西看立馬，足迹經遊半天下。愧無草檄擬相如，咲擲橐金輕陸賈。今年詔許臨丹丘，夢中往往驚羈愁。江山誰寫入圖畫，眼中歷歷如經遊。岸中一覽斧長嘯，滿襟爽氣高堂秋。

蕨其行

竝海飢民千百數，携鋤上山斫山土。蕨根已斫不休力，絕筋疲未言苦。屋頭五日無炊烟，十步九卻行不前。全家性命係朝莫，弱子假息阿母眠。昨日斫蕨僅盈斗，今日蕨根不滿手。但憑斫蕨保餘生，再拜青山感恩厚。青山爾勿猜明朝，未死携鋤來。

海米行

海邊有草名海米，大非蓬蒿小非薺。婦女携籃晝作群，採掇仍於海中洗。婦來滌釜燒松枝，煮米為飯充朝飢。莫辭苦澁不下咽，性命聊假須臾時。皇天不仁我當死，况乃催科急如矢。來牟擬作日月期，欲保餘生更復爾。嗚呼棄止不復陳，椎牛酹酒何為人。

木綿花歌

秋陽收尽枝頭露，烘綻青囊翻白絮。田婦携筐采得歸，渾家議作機中布。大兒來索裙，小兒來索袴。半擬償債，負半擬輸官府。竹籠旋着活火熏，蠶虫母子徒紛々。尺鉄碾出，瑤空雪一弓。彈破秋江雲，中通外絨。搓成索，晝夜踏車聲。車聲未冷，催上機。知作誰人身上衣。少女背面臨風，邊憶昔隨母園中拾。

東河驛值雪次茅長史白戰體韻

東河地高氣常冷，越客入山愁日暝。蹇馱破帽聞驛門，敝屋疎籬取灯影。更聞藉草始一窠，夜半雪來初未省。窓明

恍訝烏繞樹，身倦宛同蛙。伏井雞鳴起，看眼生花。睡熟山童呼不醒，積深已杳擁藍閨。勢遠直疑沾庾嶺，穿檐入隙如有求。塞戶填塔，豈須請瓦溝。早滴為炊烟，水面難消日。泛梗操事偏宜壯，士獵清氣先入詩。家茗平鋪道路，混險夷蓋覆乾坤。掩瑕肯空山難行，無客到高卧閉門。終日靜春來一月尚嚴凝，天上何人調九鼎。半生對雪走四方，竒絕愛此林壑景。長松壓重龍，虎怒巨石羅陳。整北風末勢更飄揚，斜照餘輝愈光炯。南望殊憐京關遙，西顧頗覺歸途永。未須玩物遽憂患，有形易化皆幻境。明朝陰翳尺掃除，天際諸峯翠相並。乘興伸眉且一咲，人生飢寒非

不幸莫將詩句效蘇公  
淮陰詐肯儕噲等

送刘士端歸括蒼

憶昔

高皇定華夏海內遘屯龍  
戰野幟幟謀謨三教公  
君家中丞最瀟洒軸轡十  
萬搗虛來帆檣蔽空声吼  
雷從容決策掃強寇手扶  
日月滄溟開盜犯洪都突  
彭蠡砲石星流湖水沸御  
舟閣河諸將譁神箭穿顛  
逆首斃是時中丞謀畧精  
指揮英傑江南平掀髯撫  
掌談世事天子稱善群臣  
驚寰區混一定勲賞鈇券  
金符頒土壤中丞獨擅翊  
贊功賜號每為諸伯長青  
田宰木三十年

高皇仙馭亦賓天  
國初故老尚誰在  
幾人事業圖凌烟  
忽見聞孫三歎息  
秀目踈髯遺像逼  
擬樹豐碑墓道遠  
欲請天朝重褒錫  
至尊含咲問近臣

先帝功臣今有孫  
胡為拂衣入山去  
盱食未敢干君恩  
海內只今無盜賊  
幽州興兵惱邦國  
廟堂謀議豈無人  
我懷中丞淚沾臆  
嗚呼志士古所稀  
留侯武鄉今是誰  
九原招公倘可作  
為解四海蒼生危

徽宗花鳥圖

宣仁升遐司馬死  
宋祚當時已中否  
豈知禍亂猶未休  
更立端王作天子  
簡書四出捷星馳  
重見熙豐舊設施  
太室

既崇荆國祀朝堂新刊黨人碑廷臣往之多鉗口四海禱  
祥無不有万金寶藏造池臺千里樓舡載花柳君臣自詫  
文德修不數唐漢追商周陳鍾考鼓按雅樂厉甲揚戈昧  
遠謀宮中從容萬機暇酣飲逸遊忘晝夜御輦時過宰相  
家微行或飲倡樓下宣和殿內玉屏風綺席金炉處同  
詔遣内官宣畫史時拈象筆極形容神機密運回天巧万  
歲齊呼尽秣好玉礪裝軸錦裁題墨署花書朱篆室心怡  
意適藝愈良自道丹青過百王盡將兵籍付边將还信奸  
臣斥俊良契丹滅後金人喜猶剖王封賞闕豎露布初騰  
紫階塵天驕已渡黃河水汴京鎖鑰一時開雉扇鸞輿去  
不回圖書万卷入沙漠奎壁無光天為哀祗今俯仰三百  
載南北興亡幾更改廢陵已莽社無基尺素誰家尚收在  
吾知此畫非人為當有神物常呵摩故留花鳥在入世要  
俾後來懲戒之古來君德在仁義小技雖工何足計不見  
昭陵一藝無偉績鴻名照天地

題王叔明墨竹為鄭叔度賦

吳下王蒙藝且文吳興趙公之外孫黃塵飄蕩今白髮典  
刑遠矣風流存筆亭未希秣善畫每觀蒙畫必歎詫謂言  
妙處逼古人世俗相傳倍增價昔年夜到南屏山高堂素  
壁五月寒壁間本自見修竹烟雨冥漠蛟龍蟠呼童秉燭

久不寐細看醉墨王蒙字固知蒙也好天趣畫師豈解知其意分枝綴葉人所知要外枝葉求神奇天機貴足不貴似此事不可傳諸師麟溪鄭君好奇士愛畫猶能賞其趣嗚呼世間作者非不多鄭君甚少可奈何

聞鶻

不如歸去不如歸去一聲動我愁二言傷我慮三言思逐白雲飛四言夢繞荆花樹五言落月照疎櫺想見當年弄機杼六言泣血灑花枝恐汚塔前蘭茁紫七八九言不忍聞起坐無言淚如雨憶昔在家未遠遊每听鶻言無點愁今日身在金陵上始信鶻聲能白頭

題李白對月飲圖

明月出高樹二懸青天中下有萬頃之長江揚波泛彩清若空江風吹人色淒凜此時對月誰能寢十千斗酒何足論幸盃宜就花前飲花前飲酒無與侍酒酣意氣輕王侯仰招行雲不可得但見月與河漢俱西流仙人伐桂樹玉女倚瓊樓顧盼暫相悅棄去終莫留昨日已浩々今日復悠悠人生如飛光及時不飲空白頭君不見月中玉兔搗靈藥不能醫此萬古愁何如醉卧長不醒天地與我同虛舟混々六合間浩然何所求

愛日堂

卷之十九  
十一  
白日麗青天朝出扶桑莫虞淵堂上有親雲滿巔坐看白日心茫然長繩不可繫急景如流川羲和<sub>二</sub>停尔鞭高堂一日如千年

遜志齋集卷之二十九終

遜志齋集卷之三十

五言律詩

懿文皇太子輓詩十章

盛德聞中夏黎民望彼蒼少留臨宇宙未必媿成康宗社  
千年恨山陵後世光神遊思下土經國意難忘  
文華端國本潛澤被寰區雲繞星辰劍春回造化炉變通  
周典礼寬大漢規模厭世嗟何早蒼生恨欲枯

監國禪皇政優游二十年龍樓方愛日鶴馭遽賓天已失

群生望空餘万世傳長江一掬淚流恨繞<sub>一作虞淵</sub>

相宅圖方獻還宮疾遽侵鼎龜懸室命笙鶴動哀音誰紹

三皇治統傾四海心闕中諸人老猶望翠華臨  
三朝蕪庶政仁孝感嬰孩萬歲千秋志經天緯地才未登  
宸極定恐見泰山頽聖子承皇業能舒四海哀  
懿文光典冊善美過昭明曆數歸元子哀榮慰  
聖情神靈遊帝所陵寢鎮天京公論當時定千秋有頌聲  
虹光流渚日五馬渡江年聖質中興運天倫位正傳德陰  
尊未極仁與壽難全餘慶垂終古皇家世有賢  
淵默師成憲端嚴信若神承天行日月與世作陽春銳一作先  
意思寬政溫顏訪老臣至今江海士猶想屬車塵

大龍嶺一作御未遇一作御萬物已昭蘇使處尊崇位應無凍餒

夫不知天上樂還憶世間無八極遨遊暇踟躕顧帝都  
斥土開瑤殿因山近翠微神輿離鶴禁天袂濕龍衣日月  
還丹關風雲送六飛太平景象固清廟故光輝

送盧信道漢中點兵

喜子東南秀照八眉宇清疊探經濟學已負老成名治世  
難忘武邊城要足兵關河雖跋涉歷覽快平生

題萬間室

一室纔函丈何緣號萬間靜中存太極圖裏看人寰舒卷  
心無外經綸意自閑誰能同此樂魚鳥亦歡顏

又 一 題曲徑



曲徑潛通市高墉遠背村醉眠忘作客靜讀懶開門古學  
嗟中絕群經續已繁平生刪述意深恐負乾坤

送友人之雲南教官

地遠會面難情深嗟別速今衝微雨去欲向誰家宿山城  
碧雲裏節舍清溪曲莫厭官寒寒終期化夷俗

次韻奉寄鄭好義先生四首有引

真齋至出見寄詩甚悞懸渴諷詠不能已因借韻述鄙  
懷邑中迂同宿偶作一首今并錄上幸刪正之

初旭溫霜痕溪流緩復奔路回頻到熱心待舊交論山勢  
隨村曲密烟接海昏知君多善教所至俗還敦

關說幽居僻仙髻翠嶠南陽坡饒羨木曲澗會澄潭問俗  
何方古識名此地堪深期帶經往清夜擁爐譚

野性便時棄虛名恥世聞目緣多慮暗志為好奇分傍日  
翻書卷臨池寫練裙思君同雅興搔手誦停雲

混俗非真隱深居學避囂看雲山映竹坐石水通潮道勝  
貧何病神完趣獨超遺經對千古意頗似聞韶

草沒塔前石雲連戶外山位居人下拙身在病中閑出處  
多難事逢迎有瘦顏仰看雙白鶴暮向遠林還

歲暮寄王修德先生二首

杪歲垂盡寒花悄繁律回春有信冰動水生痕撲李

慚經濟，劣居廛。討論都將百年意，一笑付乾坤。  
長嘯茅齋窄，清談酒盞空。天寒爐擅寵，歲惡甕無功。計拙  
居鳩，上身癯，訝鶴同。燈花咲，愁絕，故向夜，幽紅。

承宜隱友兄同還精舍賦短律五首為別

風檻臨溪敞，幽人稱隱居。高松偏宿鷺，濁水最多魚。隣父  
邀嘗酒，鄉豪咲著書。時艱知己少，來往莫教疎。  
携友踏溪沙，同尋隱者家。雨多知損麥，土暖喜宜瓜。身願  
明時棄，文慚世俗誇。旅懷難一咲，撥遣付流霞。  
於世吾何補，論心子最知。叫闌他日恨，感事百年悲。地主  
能投轄，天閑幸脫羈。談經深夜坐，涼月在清池。

情深難遽別，送遠却同歸。衣濕洒塵雨，路經垂釣磯。山童  
迎客慣，國士似君稀。且復听雄辯，前賢賴發微。

千載康成學，群賢惜異時。典章秦火後，作禮樂漢書疑。聚  
訟吾何議，作承家子莫辭。從來參筆削，万一補民彝。漢一

次韻答錢文學二首

幽亭斜日在佳興，與君同履潤催詩。雨衣涼醒酒，風鵝群  
穿草白，蜂足帶花紅。愁散身殊健，全寬雲夢胸。

雲山留客住，尊酒賴君同。照影林端月，清心水面風。醉書  
詩草黑，笑剪燭花紅。不是听雄辯，難消磊砢胸。

題畫二首

得意支郎益分明是朱家。亂雲浮雜樹，遠渡卧枯槎。白屋  
孤舟迥，丹崖一徑斜。何時共漁叟，洞口訪桃花。  
曲折成千里，雲山儼一鄉。林疎茅屋見，水落釣舟藏。世路  
羊腸外，仙家鳥道傍。此身何處着，箕穎意難忘。

寄童伯礼二首

俗薄吾深厭，家肥子孰過。孝慈諸弟共，才俊一門多。處世  
難同衆，居鄉本貴和。古來修禮讓，盜賊尚投戈。  
黍肉屢來饋，寸心殊自憐。傷廉增我過，尚德貴君賢。握臂  
知身瘦，捐書待病痊。每懷徐孺子，衰世道能全。

催菊

蚤帶春泥種，頻添沃壤培。如何九日至，不見一枝開。時過  
花何補，天寒客懶來。便須連夜發，莫負掌中盃。

代菊荅

生意本天得，無人亦自芳。但能娛晚節，何必媚重陽。服食  
多延壽，風霜獨擅場。祇應夷皓輩，心迹可相忘。

過北山翁

避世慚無術，忘年賴有翁。山中九日後，花下一尊同。江迥  
宜秋色，林疎怯晚風。放懷甘取醉，舍此更誰從。

送鄭履順二首

病卧思親友，幾人能見過。天寒念我至，風義竟君多。取士

周三物論才魯四科相期曾閱上歲月莫蹉跎  
學是千秋事文非一藝卑古來傳道術誰免假言辭魯史  
三王政周官百世規知君美才氣慎勿負深期

城眉縣晚發次韻

渡水蓋與穩穿林草徑微勝遊方外得樂事世間穉風過  
歌僧笠雲來掛道衣山靈應待久好去莫相違

謝群公送別

賤士何須送群公不世情听雞朝謁後並馬出郊行  
金門遠身依玉樹榮愁來今夜月兩地向誰明

道中過廬先生

先生獨無慮作客意忘歸謾把詩書閱寧知世事秋風  
吹落馬江樹隱斜暉少立橋邊路相思恨又違

春和五首

幽人遊澗谷芳譽動京華暫食高山薇終簪上苑花醉歌  
辭激烈老態影欹斜願得石間屐轉為寒士家

山深諸藏殖海廣百川歸材蓄廊廟器文張錦綉機魚龍  
將遠化鳧鶴漫齊飛為愛賢名久人間万事非

慨余徒就老羨子早馳名幽谷迂鶯語九臯孤鶴聲課蒙  
聊給膳教子力勤耕身世相忘久山猿總不驚

念子身宜隱憂時志復存騰章吐鳥語索句發奇言燕雀

爭栖閑豺狼闕食喧寧知陶靖節道意向田園  
鄭生瑚璉器曾住此林丘死骨今埋土新阡誰樹楸百年  
愁莫遣一夢樂誠優惟念雙親老無能為爾謀

臣伏承

睿恩撫問兼賜良藥及臯比講席拜受之餘無任感  
荷敬次滕訓導所寄詩韵粗述瞻仰之誠辭句蕪拙  
乞垂宥察而正教之幸甚六首

超悟天人際從容礼法中豪端錦江水塵尾雪山風善共  
東平樂才看真北空感息慚獨厚箋疏許頻通  
壤地三千里絃歌五十城廷多漢長者座有宗耆老

多師古行仁不近名願存無逸戒佇見治功成

聽政憂民切虛心待士虔典章皆有據談笑總堪傳夜月  
初筵酒春風廣廈瓊小臣懷德處每憶白駒篇

大名傳海宇威德冠時人文字天垂象姿顏嶽降神仁施  
邦域遠年与憲章新願沐恩波潤花溪理釣繆

賢王思幾士欲為制頽齡藥授還丹秘功存本草經駐顏  
唾鑷白鬢歲比冬青倘遂飛昇去長依傳說星

眼猛本王政賜皮書閣中林泉眼如電文采座生風似可  
講周易寧須喚小空深思避賢者玄理未能通

寄處州教授蘇平仲先生四首

懷舊輕千里無書遠七年論心思盡作地會面極升天名  
重連城價文雄萬斛泉何時絮卮酒紀德浦陽阡  
舊習深知誤虛名久自羞故人猶比數文苑昔同遊  
遺言絕胡公學制優料君施善教才俊滿南州  
蘿山同業士存歿兩無聞未及人間用寧修地下文  
劉郎應屏跡鄭谷自清芬搔首看征鴈天寒遠索群  
昔過東陽縣知君近始來留詩徒屬和無計復邀回  
賴有梁園客同傾杜酒盃死生星散後感舊復憐才

二十九日 三首

揮淚劬勞日持觴孝義門敢承千古託恐負二親恩善頌

慚諸彥傷懷望九原寂寥生意足空愧此身存  
野人衰感日天子戊辰年已負懸孤意空吟陟岵篇  
病身  
國歎歲欲求田築室依先隴將心訴九泉  
就木悲賢傑持家賴哲尤三人嗟莫並一世竟何成  
毀壁  
千秋痛看雲此日情遙憐小兒子念我倚欄楹

遣病十首

冬瘡春仍壯身羸氣竟虛脰乾祇食粥眼眩廢觀書  
行步  
兒童笑形容老病如平生千古意獨在悶難舒  
病疴當歲晏冬去病猶存氣弱翻多汗心虛苦畏喧  
此生  
應有命万事可忘言向晚移書卷微吟卧負暄

底用憂微疾人多悔久生危機非畎畝高枕豈公卿千古  
斯文託群經此日情靡異天命在得酒且須傾  
急雨張灯夜匡床伏枕時食貧宜客少身病願春遲道豈  
斯文著才非聖世道用心耕鑿外榮辱竟何施  
久病諸人問深居四壁牢故交賂善藥姪姪饋醇醪閑厭  
虛名絆貧知古道高時來稍暄暖斟酌減絺袍  
二月風猶勁寒生滄海波呻吟知夜永羸憊損天和行覓  
冬衣重眠妨夜食多百年強壯日排悶付高歌  
出戶迎人倦投床散帙迷牽衣嗔稚子煮藥愧山妻葛令  
尋幻漏梅生入會稽病思方術士亦似阻雲泥

春來已兩月閉戶不相知百古強言事衆芳空滿枝官途  
多世難卧病亦天時應有簪纓者低頭羨我為  
飲酒留盃底攤書礙枕旁人扶修冠櫛客勸罷文章穀雨  
催田父花時到海棠病老渾不較流轉任春光  
病久身潭億醫疎衍易窮囊空宜勿藥跡滯尚飄蓬禮樂  
周秦後乾坤素齋中數行憂國淚江海與俱東

童景純來二首

千古劬勞恨三冬瘡瘍餘故交猶記憶尊酒問何如拜倩  
人扶答文教子代書何時戒藥餌一咲百憂除  
歎枕雨聲歇竹間聞鳥鳴病惟愁是伴閑與懶相成墮地

驚茲日終天負所生一杯魚菽祭悲感淚縱橫

贈鮑民瞻

學道懶言文君文思不群雲消三峽水波漲一川雲出處  
存文彖經綸在典墳莫名詞苑傳須立濟時勲

五言排律

哭吳樗庵先生五十韻

夫子嗟淪喪鄉閭頓寂寥百年遺老尽一代典刑銷在昔  
朝廷盛諸儒學業饒著書磨歲月抗論切雲霄獨步才偏  
壯清時俗未洗翟門人競集鄭驛客嘗邀冠蓋來千里牲  
牢具一朝柳營嘶駿裊茗椀捧妖嬈家釀傳荷葉溪鮮貫

柳條醉猶親簡策樂不為簞瓢晚節趨王命顰眉逐使輶  
將軍開幕府畫諾任賓僚燕蓟藩翰重兵戎節制遙宣威  
增國勢視睨遼天驕絕漠清烽火前驅奏鼓簫歸田心戀  
戀解組思飄飄松菊猶堪理桑榆幸未彫散金思效廣擊  
壤願歌堯紗帽長蒙首銀章懶束腰吟哦今李杜吐納古  
松喬勝會無虛日清談或屢宵小心親里閭避咎狎漁樵  
名美偏招謗年高未免謠闕牛嘆孔雀孤鶴畏鴟鴞媚灶  
慚何枉懷沙恨莫消事隨東逝水迹斷舊題橋素襖還家  
慘總麻聚哭驚可憐嬰世網本不負天朝盛德知誰繼寃  
魂慢擬招園林春黯淡風雨暮飄飄致遠悲良驥搏空憶



皂鵬聞喪皆頓足知已自垂髫秀句時稱賞華楚必學要  
吟成珠滿紙坐久斗田杓適意魚依藻搜奇翠映碧劇談  
衾每共痛飲燭頻燒髮為工詩白心緣慮患焦豈知埋玉  
樹常想報瓊瑤劍許何當掛琴存久不調已同麟斃空  
待鶴歸遼宮忍題朱旒家聞賣黑貂往荒泥蚓出池廢雨  
蛙跳隆替天難問災祥理匪昭聖賢從古歎憂患幾人超  
女在難同蔡身危不類晁知音俄頃失抱疾轉無聊蜀魄  
三更月胥江万古潮誰能銘季札應解許羊陶痛絕生芻  
莫哀傷壞木唾空齋暮聞笛揮淚向風颭

臣幸侍燕閒叨陪論講於道德之奧雖未敢窺然不

可謂不知其一二近闕危紀善五十韻排律詩因次  
其韵意有未及輒復增加厥數倍之成一千字上進  
蓋以紀事實而昭

聖世之盛美非欲效詞人墨客以靡麗為工也伏惟  
賜覽觀焉

曆數歸真主皇威定八荒奉天頌正朔截海統封疆建國  
遵姚姒貽謀鄙晉唐德星臨井絡全蜀仰賢王白日開金  
殿紅雲繞綉裳輿圖文獻域城闕武擔陽地秀多才彥田  
腴足稻梁千年藩輔重万里幅員長南土通滇楚東陞帶  
沔湘周封元過楚禹貢舊稱梁盛德超中古高名冠四方

擎天為柱石，瑞世比鸞鳳。集衆極機簡，臨朝禮貌莊。正冠  
居便座，決事處齋房。實踐循規矩，精思入混茫。小臣名  
記直，士諫無妨。該博尤知要，英明匪過剛。群書陪几席，前  
哲儼羹牆。旦爽宜方駕，閔平合侍旁。事神孚貺懋，欽聖祝  
穹蒼。講學心無逸，憂民意不忘。陳經黃閣老，問俗白髯郎。  
不淺親毛穎，知微却杜康。青雲隨鶴駕，紫綬列鸞行。漢代  
規模大，周官法制詳。懿親思普衛，洪業重高光。師古人為  
鑑，存心禮自防。不知千乘貴，惟恐一夫傷。餓殍虞填壑，流  
民閔陷羌。冰蠶贖賤隸，玉粒飮飢腸。但欲調黎庶，寧辭罄  
積倉。分曹具饘粥，隨處集羸羸。有噴群声沸，相携蹙步踰。

胥靡無橫夫，盜賊耻相攘。息出蠲租令，歡騰施藥坊。嬰孩  
須穀養，街路賜棺藏。故老偏優禮，先賢盡表章。中興想劉  
葛，佐運念關張。擬植千尋栢，還栽八百桑。廟堂新邃宇，劍  
履列長廊。杜屋重輪奐，花溪頓煒煌。齊名圖至白，接武配  
蘇黃。善政俱修奉，仁声遠播揚。校人馴柳虎，膳宰縱河魴。  
要使天心順，寧教物命戕。至誠通造化，惠澤及飛翔。淵懿  
真堪述，謙恭莫肯當。崇儒先五教，建極重三綱。開館延耆  
艾，隆師錫篚筐。衣冠儀秩，絃誦韵洋洋。執業諸生衆，求  
書使者忙。九流分挿駕，万卷載連檣。樂善人心悅，無為國  
本強。虛懷臻聖域，聘步領文場。揮翰銀鈎活，摘辭玉佩香。

鼎彝皆國器蘭桂本天香觀妙言逾富研精食靡違日惟  
親孔孟性不惑姬姜軫念窮邊地垂情健卒糧撫身無凍  
餒遇敵必騰驤解語踈鸚鵡長鳴歎驪驢劬農與耒耜寬  
法絕析楊當代真希遇前王或未嘗泰山高莫並瀛海浩  
難航麟趾耽經史龍衣佩瓊瑛笑談溫玉色追琢燦金相  
肅揖尊賢傳端居喚小璫已能通魯語正可齒虞庠玉樹  
連枝秀瓊葩奕葉芳骨竒瞻日角派近識天潢舉措存寬  
厚蒐羅必俊良聚賢頻設醴室訓舊名堂末學逢昭代平  
生服令望承顏初見日屈指九經霜術類千金帚榮過七  
宝沐敷期蓮作炬每飲蔗為漿身賤思疑病言高點類狂  
汗顏越紫闥馳夢落滄浪心怯息波濶人誇寵數彰賜衣  
頻跼躄前席屢徬徨授簡安能賦開筵特命觴偶同華屋  
燕徒飽太官羊雅句褒祿重微軀感莫量聯篇舒錦綺一  
字重琳琅憶昔憂君聖陳情訴陟岡奎文昭孝行宰木發  
光芒寵異兼存歿風声別石滅望林掄杞梓占斗接干將  
知己懸偏渥希賢德甚涼何由酬覆載深幸覲顯昂喜見  
皇家盛從知世運昌弓戈藏府庫道德固金湯政教依仁  
宅詢謀遠智囊朝廷存鎮重夷狄敢飛揚誠可曰天地心  
能協雨暘群生蒙長養百谷屢豐穰人傑生臯華邦基過  
夏商九重延祚胤百世受禎祥磐石安

宗社山河拱  
帝鄉孤志深  
佇望恭已贊  
吾皇

七言律詩

山中對景書懷

烏靴脫却換青鞋  
踏徧名山惟素懷  
虎嘯石頭風万壑  
鶴眠松頂月千崖  
雲開面面峰如削  
谷轉行行樹似排  
故交零落尽烟霞  
清趣幾人偕

宿峯頂次濟定韻

層崖削壁跨千重  
坐鎮西南勢獨雄  
无氣昆侖磅礴外  
祥光隱見有無中  
珠璣宝佛留全相  
金碧樓臺倚半空  
縱是蓬萊并弱水  
清虛難與此相同

登歸雲寺閣

樓身丹壑總忘歸  
水閣頻登趣不稀  
雨脚斜侵耕叟笠  
苔花青匝定僧衣  
山餘積雪寒猶壯  
岩墮流星曉更飛  
卜築何當居此地  
玉堂金馬任相違

木皮嶺

自慚非佛亦非仙  
也宿丹崖綠樹巔  
曉汲衣翻草頭露  
午炊灶起木皮烟  
日離滄海三竿遠  
天壓烏紗五尺連  
頓覺眼前無俗物  
片雲飛過鳥爭喧

鰲山

攢峯積翠擁鰲山。威有仙人煉大還。星斗摘來三島位。樓  
臺飛出五雲關。月移花影浮冠冕。風度笙歌雜珮環。侍宴  
群臣稱萬壽。御爐香裏拜龍顏。

龍顏

宿新津寶花寺

百丈岡頭佛寺開。晚涼按轡陟崔嵬。落花亂逐溪流瀉。歸  
鳥低衝馬箭回。雲外老僧鋤筍蕨。樹根童子掃莓苔。景清  
愛借禪房宿。不為參玄聽講來。

送友人

送卿南浦草凄凄。風袞楊花趁馬蹄。戀

關心馳紅日。近思親望入白雲。低短長亭上。杯行酒盡  
江頭水拍堤。準擬明年春二月。蒲帆高掛上遼西。

送吳主簿

關西短簿衆稱賢。太華峯前坐五年。心為嫉邪曾奏事。家  
因好客不留錢。霜寒茅屋雞聲蚤。月落江城鴈影翩。此去  
京華遇鄉使。好將嘉政萬人傳。

次韻贈方負岩山人

到處清泉可洗心。禪機一拍用功深。任教東住復西住。不  
改鄉音與梵音。見客喜為青眼顧。能詩懶效白頭吟。近來  
識面峨眉上。蘿月松雲得共尋。

次韻兄調弟希政并東鄰叔度二首

百年喬木陰當戶五畝幽居水映茅好古喜尋遺老問避  
喧懶與貴人交後兄受學慚蘇轍與弟分財笑薛包孝友  
傳家得無愧聚蚊免使退之嘲

鄉間儒術許誰加弟唱兄酬只未賒經濟有心慚薄德安  
居無事任貧家日高甕牖蜂穿紙潮落江汀鴈聚沙却嘆  
離居趁侍日時來相對卜燈花

人目從蜀王登萬歲山

鰲首高臨紫極開五雲長日擁蓬萊高呼曾獻君王壽人  
日今從帝子來室仗鳴鞭金駿褭石牀御坐錦莓苔才華

愧匪朝陽鳳飛蓋華隆喜共陪

次東坡咏雪韻六首

窮冬三白遽相加寒谷知無長者車屢移屢往葉因  
燈時送落簷花光禪岱嶽銀為界氣凍瓊器玉滿家慚愧  
病夫才思劣噤吟不就手頻叉

卉風花亂點纖形雲密護愈森嚴呈祥已喜宜禾稼耀  
富還疑散米盞瀟洒羽衣飄月殿分明鷺葆立晴筵塔萱  
端可齊三友時見新芽長綠尖

去冬密雪徧天涯岐路平鋪秣走車偶入書函明鶴髮爭  
粘庭樹伴梅花金甌泛酒懷前哲石鼎烹茶屬黨家欲屬

和音驚險韻愧無才力似全义  
初看作勢逞妍纖漸竟漫空容更嚴獨鶴遠歸難辨樹群  
龐夜吠誤疑鹽何人授簡能延客多病捐書懶映簷宜麦  
屢占南畝瑞刮膚未恨北風尖  
寒光凝野噪群鴉簑笠何人理釣車一道山川宜種木  
無邊草木總生花忍寒謾笑先生履耐久还輸隱士家景  
憶少年觀獵处荷韋千騎挺矛义  
常年雨雪作纖纒今歲寒威特地嚴風急驚看鴉鶴陣地  
高巧作虎形鹽先疑驛路生香樹凍徹田翁曝背簷未論  
豐登他日驗預愁細麦損勾尖

贈韓微道先生赴召

先生樂道慕前人又被書徵覲紫宸詩卷已隨官棹月布  
衣還染屬車塵文章共喜遭逢晚礼樂應知入問頻登眺  
鳳臺多制作郵筒珍重寄河濱

挽徐節婦

大節寥々不可聞晚從吾郡始知真百年礼樂無男子一  
日干戈有婦人波冷曹娥沉白骨雨荒剡嶺洗紅塵爭如  
烈焰三千丈高照青編萬古春

次韵留别陳季明先生

太丘美政漢称賢高節英風四海傳垂白雲孫今幾葉汗





娥以孝而死江因娥得名。至今潮上落猶帶哭翁聲。

題竹月圖送太學生歸省

黃金臺上月照雨憶親情歸去供甘旨春林筍正生。

病中途除夕五首

數漏掩殘曆中宵氣候殊獨憐愁共病不與歲同除  
伏枕聽寒雨羞看賀歲人山中成底事三十度逢春  
三十知未老已難同少年功名謝時輩心事愧前賢  
里巷占新歲皆云勝舊年幾回新歲過萬事只如前  
良醫難治病學道不能行瘡疾何須患吾心病未輕

六言絕句

題畫

茅屋東嶼西嶼白雲前山後山為報溪頭流水落花休出  
人間

牧牛圖

谷口驚瀾雨歇柳陰芳草春還試問太平樂事夕陽牛背  
青山

七言絕句

二月十四日書事二首

斧宸臨軒几硯閑，春風和氣滿

龍顏細聽

天語揮毫久，携得香烟兩袖還。

作兩袖

風軟彤庭尚薄寒，御爐香繞玉闌干。黃門忽報文淵閣，

天子看書召講官。

試院偶題

柳影波光鎖院深，一塵不到市聲沉。多情惟有双靈鷲，

到庭前送好音。

三代賓興法尚存，每因取士嘆

斯文。近來眼病無聊甚，

豈復能空冀北群。

橋門冠蓋藹如雲，才氣爭先總出群。自愧腐儒無一藝，強

顏來此較斯文。

別母舅哭外舅鄭公

昔奉安居共入關，擬於此路復南還。今朝獨向江東去，淚

洒西風草樹斑。

女甥携抱遠相從，骨肉情深反負公。南鄭江頭三尺塚，夕

陽衰草萬山中。

竹帛相期古道深，結婚端不為多金。自慚非是奇男子，恐

負侯高擇婿心。

無題三首

宮臣傳教造安車，駕出金門賜舊儒。  
優老免親藩國政，入朝唯讀帝王書。

山南桃李競春光，食實年久在異鄉。  
應被旁人暗相笑，閑官那得許多忙。

伯兄海上思相見，幼子山南憶別離。  
兩地關心歸未得，夜看雲漢立多時。

題漢中三寺佛放光

三寺神燈古有名，我來惟見月華清。  
非關佛日今消歇，應避文星不敢明。

寫畫梅

微雪初消月半池，籬邊遇見兩三枝。  
清香傳得天心在，未許尋常草木知。

竹

不禁俗物敗人意，忽見幽篁眼為明。  
記得舊遊天上事，連昌宮外聽秋聲。

題東坡畫竹

內翰何年寫畫圖，眼中驚見鳳毛孤。  
一枝潤帶江南雨，遂使眉山草木枯。

斑竹圖

湘君泣尽淚痕乾，翠袖蕭蕭倚暮寒。却憶洞庭為客處，滿湖風月泛舟看。

馬

一日曾騎越與燕，鼓車隨後意茫然。困人何必相羈絆，亦未成龍去上天。

荷花渚禽

絕世丰姿不受塵，丹霞為質玉為神。渚禽莫怪開時晚，一洗尋常草木春。

題山水

霜落江南木葉丹，滔天波浪一舟還。何人得似林中叟，目

送浮雲過遠山

彭山道中

煙鳥歸林已夕陽，野人相引度高岡。馬頭一片青山影，經過緜衣似水涼。

題扇

順流舟楫日邊回，古木軒窗水際開。萬里西風數行雁，送將秋色過江來。

百雀圖

曲巷高簷避網羅，朝來飽啄隴頭禾。但令四海長豐稔，不厭人間鼠雀多。

羲之籠鵝圖

內史清真江海情，每將高誼動朝廷。平生却被能書誤，更為鵝群寫道經。

修德先生寄惠枯木小輻，并以詩留別病中不

能追從謹次韵奉荅四首

遠別出門愁見難，燕山越水路盤。將心付與天邊月，兩地清宵一樣看。

月明樹影落晴波，寫寄山房古意多。已分此身同槁木，歲寒相對老岩阿。

百年禮樂愧前賢，濂洛微言久不傳。待子歸來同講習，細

炊麥飯飲寒泉。

至道無聞昧力行，神交千載獨周程。直教俯仰渾無媿，始是堂上世上英。

題山水隱者

棟宇參差逼翠微，路通猶恐世人知。等閑識得東風面，卧看白雲初起時。

買臣妻墓

青草池邊一故丘，千年埋骨不埋羞。寧囑付人間婦，自舌糟糠合到頭。

壽湖州李子賢

昨夜三更夢上天，玉皇殿上列群仙。分明見寫長生籍，付與河東李子賢。

夜度桑洲驛

山路彎彎石甃平，碧天涼露下三更。無端一夜西風惡，吹着新愁上紫荆。

談詩五首

舉世皆宗李杜詩，不知李杜更宗誰。能探風雅無窮意，始是乾坤絕妙詞。

前宋文章配兩周，盛時詩律亦無儔。今人未識崑山笑，黃河是濁流。

發揮道德乃成文，枝葉何曾離本根。末俗競工繁縟体，千秋精意與誰論。

天曆諸公製作新，力排舊習祖唐人。粗豪未脫風沙氣，難詆熙豐作後塵。

萬古乾坤此道存，前無倫序端緒後無垠。手操北斗調元氣，散作桑麻雨露恩。

書事

伏枕三旬不整冠，夢魂時復對金盞。忽聞盛事披衣坐，今日朝廷立諫官。

乙亥新春出城東，偶作十七詩。同遊諸友從而和。

卷之三十一  
之因亦次韵以寓所懷會叔貞之成都書以識別  
詩中所云司戶孫者即叔貞也

道濟群生心尚歎知周万物礼逾勤能為世上難行事始  
是人中寡過人

盛世豈無謀國者漢家長憶富民侯榮名史策尋常事公  
論江河万古流

漢高嫚士千餘載不見師臣与友臣解使時君謙德重孔  
明而下兩三人

下士立身涇渭潭胸中取是非存子雲羨新最可賤著  
作猶尊李仲元

密葉叢篁噪晚鴉荒村百里兩三家疲民采拾供租稅猶  
恐傍人議權茶

多才久要錢文學長日詩筒袞來俊思雪消三峽長好  
懷春到百花開

伯尚庭前傾竹葉用中宅畔看梅花天教二子相為樂來  
往風流也是誇

每懷樽散鄭司戶喜看杞梓作孫枝氣清似得江山助才  
異休令匠石疑

胡生挾策行千里足繭衣穿不肯回斯道要為終古計丈  
夫寧避俗人猜

江山万里無黃耳，雨露三年憶紫荊。日暮出門聞鴈過，忍聽雲畔索群聲。

一念無為付道耕，百邪還聽寇一作心兵。本原能與天同體，三代功名始可成。

浩蕩乾坤爛熳春，天將樂意付穷人。迥無臭味堪誇世，縱有爭心豈解嗔。

烏石岡頭白苧衣，幾回醉伴夕陽歸。山中兄弟遙相憶，未必天心與我違。

我与東風作主賓，忍教負却太平春。一觴一咏酬佳景，也未輸他世上人。

梅迳桃蹊逸華門，半依城市半通村。春風一見如相識，莫逆於心兩不言。

魚在深淵鳥在山，乾坤無物不相關。野亭日午支頤坐，閑看雲天一鶴還。

食罷移床坐小亭，細看群蟻奪餘腥。倦來莞尔成微笑，宇宙茫茫幾廢興。

聞角

飽飯兒童百不憂，捲桐吹角過墻頭。雖然不是宮商調，也解行人一段愁。

感舊八首



雄文不見林公輔，病眼荒々何處開。  
情莫向世間來。

盃酒論心有幾人，天台張毅舊相親。  
比歲真更絕倫。

精通八法揚文過，暗誦五經陳用中。  
飢村巷欲成翁。

翰苑暫歸盧太史，銓曹已失鄭郎中。  
憶蒼山馬鬣封。

林鄭為文學我家，波瀾議論闊無涯。  
斷嶓江八月槎。

博陵博士才華盛，漢上畸人道術卑。  
期千古只心知。

立言溫粹懷陳采，肆筆縱橫憶鮑罔。  
容籍湜獨升堂。

多病深知志術荒，中年苦復厭文章。  
與時人較短長。

鄭義門

丹詔旌門已拜嘉，十年盛典實堪誇。  
天子親書孝義家。

王節婦

兩月孤兒百里墳一灯風雨幾黃昏可憐玉帳豪華客不  
識金沙鄣義門

立春偶題二首

万事悠悠白髮生強顏閱世盡作靜中聲効忠無計歸無路

深媿淵明与孔明

百念蹉跎總未成世途深恐誤平生中宵擁被依牆坐默  
數鄰雞報五更

覽陳先生見和諸詩戲題

孔璋揮翰掇曹公烈日秋霜格力雄白髮雲孫千載後新  
詩尚可愈頭風

遊峨眉山紀行十首

一鶴相隨復一瓢山巔水澁足逍遙祇日恋關情無限回  
首忘過萬里橋

西蜀雲山處奇最奇人說在峨眉想應踏徧千崖月露

滴松梢鷓鴣夢時

出郭涼風入抱清亂山遮馬似相迎寧知待召登瀛客忽  
作看雲听水行

王憐塵土辱凡肌命入雲山茹紫芝只恐同袍不相識誤

猜礼佛到蛾眉

客久賢王兩賜衣不知春到已春歸清朝試出都門看畱

得殘紅一片飛

山頭月出天初露江面風生水欲波正是勝遊新得意片雲相引入岷峨

朝辭宮闕莫田家江山青兩岸沙卧犬不驚籬落靜麦風簷底響綠車

孤舟湖口一名僧咫尺鄉山識未曾今去峨眉同覽勝躋坂頂上百十層

名山佳處孰同遊白髮緇衣四五流青眼古銘鄉士彦灯前夜話台州

學仙無骨佛無緣甘着儒冠坐一毡入社敢同陶靖節不

須三咲虎溪前

入山後覽定水仰山二上人并吳講師次子

都絕句韻目後次韻述事言懷

落日斜明掛樹瓢下方城郭去人還青山過雨僧深穴門外雲封独木橋

羽客禪僧也好竒對人覓句幾攢眉林端新月初高夜葉底殘紅落尽時

倚澗人家近更清吹風驚犬走還迎衲衣鶴氅後章甫落日看山一字行

山南夫子待多時庭外松花落澗芝夜半夢回聞鼓響蒼

來顏泚冷沾眉  
澗底白頭僧浣衣  
雲間童子負薪歸  
幽栖更羨投林鳥  
半已尋巢半已飛  
千尋古木已無柯  
万丈深淵不起波  
此日勝遊他日記  
落花時節到中峨  
東海西頭是我家  
門前花徑接鷗沙  
三年別後却徒多  
恨敢道詩書讀五車  
山行十日只逢僧  
盡道蒙恩報未曾  
共上峨眉望宮闕  
祥雲五色繞三層  
奉詔名山作勝遊  
壯懷如水不停流  
今朝獨坐峨眉頂

覽端能隘九州

榻借禪那豈夙緣  
坐來渾似舊家理  
祇應心事漸蘇  
解長齋綉佛前

新歲洛陽遇張公

懷鄉戀闕兩茫然  
回首江南路八千  
今日堪悲復堪喜  
洛陽城裏度新年

感舊士修蘊德

王郎遠逐雲中戍  
許子俄為地下郎  
重訪舊人尋舊迹  
嶺雲溪月總堪傷

奉試靈芝甘露論作

漢家圖治策賢良。董子昌言日月光。自嘆腐儒千載後。却  
勞 聖主試文章。

為憲章題南屏山對雲圖

瓊妃剪水作梨花。樓閣重。玉樹斜。憶昔湖山舊遊處。鳳  
笙龍管屬誰家。

臣敬蒙

睿恩賜以篇什。誦味感服。愧不克勝。謹次韵以謝伏乞

垂覽

恩命許辭金殿。直歸裝。仍賜石渠書。欲知懷德無窮意。長  
望星辰想屬車。

志似子淵方是廣。才如曾點始為狂。自慚末學何為者。孤  
負恩言鬢欲蒼。

幸瞻天下難逢德。又讀人間未見書。竟夢何嘗遺禁闥。深  
息安敢忘巾車。

德尊待士真忘勢。位下憂民每悔狂。明日岷峨應漸遠。莫  
雲回首看青蒼。

全德已看承道統。雄才更後主詩盟。欲知聖敬心無息。願  
謾參前与倚衡。

德勝東平弟与兄。共誇樂國似蓬瀛。近聞傳令安黎庶。歡  
動山南十万兵。

臣諺以疎庸獲侍

世子殿下視席竊覩岐嶷之姿英偉之識度越于八方誠  
宗社之慶欲述鄙言陳民事人情物理之槩少效忠懇  
以廣聰明恨未果為先作絕句十首以進伏惟

益懋典學以副下情不勝至願

賢君德業本天成猶待修心道益明喜見

儲王親筆親更須講學近儒生

昧爽先求閣寢衣三朝日禮無遺古來

世子能敦孝惟有文王最可師

祖訓昭日月新由來治國本天倫今名要使傳千載仁

政漢教及萬民

炫日輝霞錦價高製成稱體小龍袍試看黼黻文章羨須

念蚕桑杼軸勞

金匙磔盜絳紗籠玉瑩珠圓顆同願采幽風歌七月要

知稼穡重三農

農事艱難古所憐一生幾度過豐年若非

聖世輕租稅逐末何人肯力田

九經治國本修身、正方能鑒別人辨佞要知駑異驥任

賢莫指玉為珉

君王待士古來無今德高名滿八區濟羨喜看

賢世子已能端拱禮諸儒  
去歲開倉賑饑夫今年下令活無辜東平設說能為善未  
識當時有此無  
稅薄刑清見盛時民安田里俗熙熙欲求上古無為治仁孝  
君王自足師

中秋舟中對月

雙槽鳴江水不波雲山無數拂舟過夜深把酒問明月  
色與愁誰較多

南鄭荒墳草木寒東甌舊宅桂花生九秋最好今宵月又  
向孤舟獨自看

聞盧原質表兄

殿試探花郎授翰林編修喜而寄之

奉天殿上榜初開共賀江南得秀才好是青蘿居士說近  
來文運屬天台

送義烏龔叔安給事歸省

雞舌同含待

紫宸朝回東閣每相親片帆忽逐西風去鸚鵡行中少一人

又

繡湖煙雨正宜秋之子還家喜得遊忠孝堂前舊明月相  
隨重到鳳池頭

扇面梅花

經年不見玉人面常憶深冬雪裏看今日相逢當六月冰肌依舊逼人寒

遜志齋集卷之三十一終



110X  
134  
16